

Le quinziesme iour de May la flotte estant pres de Ber-tinghe, par l'avis du conseil les chefs ordonnerent qu'on tiraist vers Peniche. Le lendemain de grand matin, ayans descouvert Bertinghe, par le moyen d'un vent septentrional les vaisseaux vindrēt ietter les anchres sur les trois heures apres midi au port proche de Peniche. Il y a vn tresfort chasteau pres du village. Soudain le capitaine Sampson receut commandement de descendre avec cinq cēs hommes de l'autre costē du chasteau pres d'une haute roche qui est au midi. Les chefs delibererent de prendre terre avec vne bonne troupe des plus asseurez de la flotte, en des radeaux & petis basteaux ioints ensemble, vers certains sables à mil le pas du chasteau. La mer agitee & fort enflēe, empeschoit aux barquettes l'approche du riuage, sur lequel l'ennemi parut pour empescher la descente. Le Comte d'Essexe, seigneur genereux, voyāt les ennemis bransler leurs picques, escrimer en l'air avec les espees, & menacer les Anglois, empoigne ses armes, & ne pouuant plus attendre se iette en l'eau le premier iusques aux aisselles, non sans danger de sa vie: car il falloit sauter des vaisseaux en mer, se tenir ferme dedans les vagues, & faire teste aux ennemis. Plusieurs gentilshommes & capitaines, entre autres les cheualiers Butler & Baskerville, les Capitaines Iacson & Puic suyuent le Comte, & viennent aux mains contrē l'ennemi. Du commencement le conflict fut aspre: mais en peu de temps l'ennemi commença à reculer. Le Comte suiui de peu de gens, sans attendre l'armee, les poursuit bien loin. Le Capitaine Puic fut tuē en ce combat, durant lequel Sampson descendit sans empeschement.

Le chasteau, tresfort, & inexpugnable, muni de bleds, de pouldres, boulets, artillerie, avec la garnison se rendit au Roy Don Antoine. Les chefs firent publier à son de trompe, qu'à peine de la vie, nul soldat ne fist iniure, outrage, ni dommage quelconque à Portugais quel qu'il fust: qu'on se gardast de mettre le feu en aucun edifice, qu'on ne fourragast point le plat pays, & qu'on se deportast de tout acte d'hostilité: nommement fut defendu de toucher aux temples, moineseries & tels autres lieux. Quelques moines & force gens desarmez acoururent vers le Roy Don Antoine. Mais il ne s'y trouua personne de la noblesse de Portugal: car le

car le Roy Philippe les auoit au patauant defarmez tous, & contraint de bailler ostages menez en Espagne pour assurance qu'ils lui demeuretoient suiets: tellement qu'ils n'osèrent se ranger au parti de Don Antoine.

Norreys & le Drac ayans appelé le Comte d'Essex & les Capitaines, consulterent touchant ce qui sembloit estre le plus expedient. D'un commun auis & consentement fut resolu que Norreys iroit avec l'armee droit à Lisbone, qui est à dixhuit ou vingt petites lieues au dessous de Peniche: que le Drac avec la flotte, les munitions, les viures, & le bagage suiuroit, & anchreroit pres de Calix, pour sonder les volontez des habitans, voir si quelques vns s'esbranleroient point en faueur du Roy Don Antoine, en tout euenement pour estre pres de l'armee, (car Lisbonne & Calix sont proches) pour couper les viures & fermer les passages au secours qui pourroit venir à Lisbonne.

Norreys ayant fait reueuë, & laissé la flotte munie de gens à suffisance, trouua qu'il n'auoit que six mil hommes de combat: neantmoins apres auoir commis le Capitaine Barthon à la garde du Chasteau de Peniche, il se met aux champs, conduisant lui mesme l'auantgarde, composée de cinq regimens, asçauoir le sien, celui de Roger Guillaume, de Héri Norreys, de Laine, & de Medketke. En la bataille estoient les regimens du Drac, de Deuoreux, d'Edouart Norreys, & de Sidnee. En l'attiereregarde ceux de Hayls, de Vingfeld, d'Vmpton, de Brett & de Huntley. On fit distribuer des munitions de guerre à chascun soldat, autant qu'il en pouuoit commodement porter, & des viutes pour trois iours: n'ayans ni cheuaux, ni coches, ni chatiots, pour traîner bagage quelconque apres eux.

Le Roy Don Antoine, le Prince Emanuel estoient avec Norreys, ensemble le Comte d'Essex, lequel marchoit tousiours au premier rang. On vint camper le dixhuitieme iour de May en vn petit boarg nommé Lorygne. Et tost apres passant outre on s'auança iusques en vn village appelé Torres Vedras, où il y auoit vn fort chasteau au haut d'une colline. Quelques caualliers Espagnols parurēt: mais soudain ou estonnez, ou se contentans d'auoir descouuert les Anglois ils se retiterent. Le dixneuuieme iour de May, des le matin, les espions rapportèrent, qu'il y auoit pres de l'ar-

mee cinquâte cheuaux embusquez pour attraper ceux qui s'escarteroyent tant soit peu. Le Capitaine York les alla trouuer avec quelques caualiers & pietons, & les mit en fuite.

Après que les Espagnols eurent esté ainsi chassés, le vingtiesme de May, on vid les payfans apporter des viures, & autres commoditez au camp des Anglois, qui se logerēt es villages d'Anchare & de Saint Sebastian. Là ils reçurent nouuelles de l'arriuee de leur flotte aupres de Calix. Ils vindrent loger le lendemain à Lores, & descouurent l'ennemi en vn gros de trois cens cheuaux dans vne plaine à demi-lieuë de là. Henri Norreys avec son regiment, & York avec la caualerie marcherēt droit à iceux qui ne prestèrent aucun combat, ains se sauuerent à bride abatuë, encores que les chemins estroits & autres commoditez des lieux les inuitassent à venir aux mains. Ce mesme iour Norreys reçut lettres du Drac, qui l'auertit de son arriuee pres de Calix, & qu'il auoit fait descendre en terre quinze cens de ses soldats. Norreys l'exhorte d'estre sur ses gardes, & de tenir ses gens prests, d'autâr que l'armee ennemie estoit es fauxbourgs de Lisbonne.

Le vingtdeuxieme iour de May, l'ennemi vint assaillir de nuict les regimens du Drac & d'Vmpton: mais il fut viuement repoussé avec grand meurtre de ses gens. Du costé des Anglois il y demeura sepr ou huit hommes. Le lendemain, les troupes allerent de Lores à Aluelade. Norreys ietta bien loin deuant soy Roger Guillaume avec quelques soldats choisis, pour dresser quelque embuscade. On descouuroit sur les costaux ça & là les cornettes de caualerie Espagnole, qui ne voulurent iamais approcher.

Le vingttroisiesme, Roger Guillaume se reioignit aux troupes, rapportant que l'ennemi ne paroissoit point: car tous se tenoyent referrez en l'enclos de Lisbonne. Toutefois on entendir des prisonniers & des espions que le Cardinal d'Autriche, Viceroy de Portugal, estoit sorti plusieurs fois de Lisbonne pour choisir lieu commode à camper, & en auoit fait prendre les mesures. Mais c'estoit vne ruse pour faire croire aux habitans, sur tout à ceux des fauxbourgs, dont les biens & moyens estoient en grand danger, (attendu que n'ayans ni murailles, ni fosses, ni por-

tes, ils estoient exposez en proye aux Anglois) qu'il donneroit bataille, & chasseroit bien loin ceux qui venoyent les assaillir. Au contraire les Anglois, sans trouver homme vivant qui les empeschast, s'estans mis de matin en campagne marcherent vers Lisbonne. Quant à l'auanrgarde, elle se logea dans Alcantre: le reste demeura la nuit en armes. L'ennemi ne fit sortie ni escarmouche quelconque: seulement Gabriel de Nignos, capitaine du chasteau de Lisbonne, salua de quatre pieces les Anglois à leur arriuee.

Le vingtquatriesme de May toute l'armee fut logee es fauxbourgs de Bonne Viste: car quant aux Espagnols, ils demeuroient clos & couverts dedans la ville & au chasteau. Mais enuiron midi quelques caualiers bien montez sortent de la ville, crians tant qu'ils pouuoient, Viue le Roy Antoine, & approchent du corps de garde de Brett, où ils tuent quelques soldats. Incontinent l'alarme se donne, & les Anglois viennent accueillir ces criards, en tuent la pluspart, en prenēt quelques vns prisonniers: le Côte d'Essexe poursuit les autres iusques aux portes de Lisbonne, où il entroit peste mesle, si Roger Guillaume ne l'eust retenu par force. Brett combatant brauement à coups de picque contre l'ennemi fut blessé d'une harquebuzade: le capitaine Carré fut tué au combat avec cinq ou six soldats.

Il y auoit es fauxbourgs de Bonne Viste vn tres-riche butin, s'il eust esté bien mesnagé. Car il s'y trouua du poyure, de la cannelle, des muscaries, du gingembre, & de toutes sortes d'espiceries si grāde abondance, qu'il y en auoit pour remplir plusieurs grands magazins, iusques à la valeur de plus de trois cens mil escus: item force meubles precieux, bleds, farines, biscuits, vins & autres victuailles de toutes sortes, pour nourrir vne armee l'espace de deux mois entiers. Quand l'Espagnol sentit que les Anglois approchoient, il mit le feu es magazins du Roy & de la ville, tellement que le bled, le ris, le biscuit, & toutes autres prouisions de guerre & de nauires en merueilleuse quantité, furēt cōsumez & reduits en pouldre. Ces fauxbourgs de Bonne Viste estoient si amples & magnifiques, que toute l'armee Angloise y estoit logee au large: à l'occasion de quoi Norreys, outre la garde ordinaire, establit cinq cēs

hommes de renfort, pour faire teste aux sorties soudaines que l'ennemi pourroit faire.

Il y auoit dans Lisbonne cinq mille Espagnols, & quatorze regimens des naturels du lieu, outre vn nombre infini de populasse tant de la ville que des fauxbourgs, auxquels on auoit fait prester serment de fidelité au Roy d'Espagne, & prins ostages d'eux pour les tenir en bride. Il y auoit au port douze galleres, vn galliō, six nauires de guerre, qui se tenoyent du costé de midi, sans entreprendre chose quelconque digne de memoire. Norreys se voyant desnüé de canons & de pouldres pour battre Lisbonne, que les ennemis se renforçoient de iour en iour, que les maladies & la chaleur faisoient la guerre à ses gens, que peu de Portugais, & desarmez, se rendoyent au Roy Don Antoine, & considerant qu'il n'y auoit esperance de renfort de sa part, delibera le vingtcinquieme de May de mener ses troupes à Calix. Don Antoine se voyant frustré de l'esperance qu'il auoit conceüe que ceux de Lisbonne le redroyent maistre de la place, & se faisant acroire qu'il pourroit en dedans quelques heures obtenir ce qu'il pretendoit (comme c'est nostre coustume de croire ce que nous desirons) demanda qu'on seiournast es fauxbourgs le reste du iour, & toute la nuict suyante. Norreys ayant consulté avec le Comte d'Essex & les capitaines, par l'auis de tous accorda ce que le Roy desiroit.

Mais la nuict n'ayant rien apporté de meilleur, l'armee sortit du fauxbourg le vingtfixiesme iour du matin, & se remua plus loin. Cinq galleres Espagnoles qui estoient pres du pont canonnerent les Anglois à ceste retraite. Il n'y eut qu'un soldat blessé, & le mulet du capitaine Vvilson tué entre ses iambes. Les Espagnols qui peut estre craignoient que les Lisbonnois ne leur ioüassent quelque tour de leur mestier s'ils se iettoient aux chāps, ou qui auoyent oublié le mestier de la guerre, ne firent sortie quelconque sur l'arrieregarde. Estans les Anglois à lieü & demie de la ville, ils descoururent trois cens cheuaux sur vn costau: pour ceux-là ne laissa l'armee de marcher, d'autāt qu'ils estoient venus à la monstre seulement, & non au combat. Ainsi la mesme nuict, sans rencontre aucune l'armee se vint camper aupres de Calix.

Le vingtseptiesme de May, en presence du Roy, des chefs, du Côté d'Essex, & des capitaines, on consulta de ce qui estoit à faire. Il y eut diuersité d'avis. Les vns estimoyent, moyennant que rafraichissement de viures & de munitions arrivast d'Angleterre, que le Drac devoit aller assaillir un autre port avec la flotte, & l'armée retourner à Lisbonne. Les autres disoyent qu'il falloit aller aux Isles, ou faire quelque autre entreprise. Ne pouvant se resoudre, l'assemblée se depart.

Environ le midi du lendemain, ceux qui estoient allez à la descouverte rapportent que Pierre Henriquéz de Gusman Comte de Fontaines, Colonel de l'infanterie en Portugal estoit à une petite lieue de là avec six mille hommes de pied, & cinq cens chevaux: qu'il avoit de sa bouche, par lettres, & par petis libelles publié que l'armée Angloise avoit esté chassée de devant Lisbonne, & mise en route par ceux de dedans. Norreys indigné de ceste insolence mensongere, au point du jour envoie lettres signées de sa main, & scellées de son cachet, par son trôpette à ce Côte, l'avertissant qu'il le trouveroit de pres, afin de le convaincre de mensonge, à la pointe de l'espee: pourveu que le Côte voulust l'attendre. Qu'il le sommoit d'essayer lequel des deux fuirait le premier, ou l'Espagnol, ou l'Anglois.

Au mesme temps, & par le mesme trôpette, le Côte d'Essex desfia ce Comte de Fontaines au combat d'homme à homme, ou tel autre Espagnol qui se voudroit presenter de sa qualité: offrant le mesme combat de dix Anglois contre dix Espagnols, ou de plus ou de moins. Et afin que les desfiez ne fussent quelque outrage ou dommage au trôpette, ils adjousterent à leurs lettres, que si on touchoit tant soit peu au trôpette, Jean de Lune Espagnol receuroit mesme traitement. En ce mesme instant de temps on fit recevoir, & ne se trouva de gens dispos au combat que quatre mille fantassins, & quarante cavaliers. Le jour venu Norreys s'avança avec ceste petite armée, qui ne demandoit qu'à escrimer contre les Espagnols, lesquels estoient en toute autre pensée: car entendans qu'on venoit les trouver, ils se desbanderent & se sauverent qui çà qui là. Le Côte de Fontaines fut des premiers à se retirer vaillamment dedans Lisbonne, laissant derriere quelques chevaux, qui le suivirent au galop. Le trôpette qui n'avoit point vu le Comte ni baillé ses lettres, fut envoyé à Lisbonne le len-

demain, les porter à ce seigneur qui gardoit la châtre: mais on le renuoya sans response. Et quant à Norreys il se retira en son logis sur les quatre heures du soir.

Il y auoit pres de Calix vne forteresse spacieuse & bien munic. On fut d'aus de l'assaillir & forcer. Le trentiesme de May on dressa la batterie: mais ceux de dedans se rendirent incontinent à conduiõ de sortir armes & bagues sauues. Ils sortirent incontinent, & furent seurement conduits iusqu'en lieu de seurté. En ceste forteresse il y auoit quatre gros canons, quarante caques de pouldre, & autres munitions de guerre, avec viures à suffisance. Comme l'on estoit à attendre là quelques munitions & du renfort de soldats d'Angleterre, le Drac conquist soixante nauires des villes maritimes de la coste de la mer Balthique, chargees de viures & marchandises pour l'Espagne, & ving nauires Bretons qui alloient à Lisbonne. On donne cõge aux nauires Hollandois qui se trouuerent parmi les autres, leur laissant pour gage certaine quantité de bleds. Les autres furent chargees de soldats Anglois.

Le deuxieme iour de Iuin, Gauthier Denoreux & Sidnee firent voile en Angleterre. Le lendemain d'un commun auis, on publia que chacun eust à se retirer es nauires assignees aux compagnies selon l'ordre accoustumé, & distribuau-on les viures & autres prouisions. Sampson fut enuoyé deuant avec sept nauires pour recueillir Barthon qui estoit dās le chasteau de Peniche, & pour enleuer l'artillerie aussi. Le Côte d'Essex voyāt la peste entre les soldats qn'estoyēt acoustumez au parauāt au vin, aux otāges, limõs & fruiets delicats dont ils se remplirent trop en Portugal, tellement que plusieurs estoyent malades, se departit, au grād regret de tous, & monta vers Angleterre. Le Capitaine Barcker, qu'on n'auoit point veu depuis le depart de Crogne, arriva lors: & les Capitaines Crofs & Platz, suiuis de quelques vaisseaux chargez de viures & autres munitions, rencontrerent la flotte sur son depart.

Le huitiesme de Iuin la forteresse de Calix fut renuersee de fond en comble: puis la flotte ayant leuē les anches se mit à la voile sous vn vent à gauche. Le lendemain parurent quinze nauires chargees de viures, qui estoyent celles

les de Crofs & autres. Le vent s'estant changé, les chefs delibererent de tenir la route de Bayōne, ou d'aller aux Isles si la bise se remettoit sus. Au poinct du iour suyuant, voici neuf galleres qui attaquent vn nauire Anglois, qui leur fit teste tellement qu'elles le laisserent pour se prendre à deux nauires marchans, en l'un desquels estoit le capitaine Maxei, & en l'autre le capitaine Minchon. Le conflict fut rude, doureux & long. Estans en l'ardeur du combat vn grand feu parut es nauires (soit qu'il fust par inadvertance mis es pouldres, ou autrement) dont elles furent entierement consumees. A cause de la bonasse on ne peut les secourir à temps: ce neantmoins le Drac faisant vn effort extraordinaire en approcha le plus pres qu'il lui fut possible, & d'un seul coup de canon tiré de la prouë de son vaisseau chassa sept des galeres, qui furent suiuiues des deux autres, lesquelles n'oserēt iamais approcher à la portee du canon: ains se retirerent en leur port.

Depuis ce iour, la flotte Angloise, agitée de diuers vêts, descourrit finalement les Isles de Bayonne premierement, & puis apres Vigue, où ariuant sur le soir elle y demeura aux anchres toute la nuit. Trentetrois vaisseaux qui venoyent deuant, descouverts aupres des Isles, on sonne l'alarme, ce qui donnoit le moyen aux ennemis de nettoyer le bourg: neantmoins leurs tambours ayans fait beaucoup de bruit, ils disposent leurs corps de garde, & font contenance de vouloir combattre, & empescher la descente. Au poinct du iour les capitaines Anglois font prendre terre à quinze cens hommes, qui partis en deux gros tirent droit au bourg. Le Drac & Vingfeld le vont assaillir par vn autre costé. Fenner eut charge de s'approcher du riuage, afin de battre en ruine dedans les places de ce lieu.

Les Espagnols ne firent aucun deuoir, ains s'enfuirent tous, tellement que les Anglois entrerent sans resistance en la place, puis enuoyerent tout autour quelques troupes pour descourrir, & piller le plat pays, qui fut entierement ruiné. Aiant seiourné toute la nuit en la bourgade, & deliberé de ce qui estoit à faire, on resolut de demeurer tout le lendemain aupres des Isles, afin de voir tant



mieux quelle route il conuiendroït prendre. Ce iour qui estoit le vingtiuesme de Iuin, ayãt mis le feu en la bourgade, on remonta es vaisseaux. Le Drac ayant vn vent propre tourna droit vers Angleterre avec la pluspart de la flotte. La maladie se renforçoit lors & les mariniers & soldats mouroyent en nombre & soudainement. Norreys fut contraint de demeurer deux iours apres le Drac, partie afin de ponruoit à l'eau douce pour les nauires, partie afin de les tirer toutes au large, tellement que l'ennemi ne leur portast dommage. Finalement, apres auoir couru fortune assez fascheuse, le troisieme iour de Iuillet il arriua au port de Plimmouth.

Tel fut le hardi, mais peu heureux, voyage des Anglois en Portugal, non par leur faute, mais par la confiance du Roy Don Antoine, que quelques Portugalois desiroient voir restablir: mais au besoin ils ne peurent secouer le ioug, d'autant que l'Espagnol eut tout loisir de penser & pouruoir à ses affaires. Nous auons suivi en ce discours le recit d'un personnage qui se trouua en ce voyage depuis le commencement iusques à la fin. Les Espagnols se seruirent de la peau du renard: se soucians peu d'estre appelez lasches, & de tous les desfis qu'on leur faisoit, pourueu qu'ils se maintissent en leur vsurpatiõ, & renuoyassent les Anglois chez eux, où ils se retrouvèrent, vaincus des delices de Portugal & des maladies qui en prouindrẽt: mais au reste rapportans beaucoup de gloire pour auoir en tant de sortes, (n'estans qu'une poignée de gẽs,) foulé aux pieds l'orgueil & les insolentes vanteries de la plus superbe natiõ qui soit au monde.

Voila, lecteur, les principales choses qui me sont venues au deuant, faites depuis le commencement de l'an 1589. iusques au premier iour d'Aoust du mesme an, ensemble les diuers liurets qui en ont esté publiez, ou que j'ay eus à la main, & en ma puissance. Il y aura, peut estre quelques particularitez & discours obmis. Mais ou ce sont choses de petite importance, ou libelles fameux & inuectiues seditieuses, qu'il faut enseuelir, & nō pas publier. Car si i'eusse voulu vous presenter ce q̃ les Ligueurs de Frãce ont publié contre le Roy Henri troisieme, depuis l'execution du Duc de Guise, appelans diable celui, dont ils auoyent maintesfois  
fait

fait leur dieu, i'eusse fait deux volumes pour vn. Et quant  
aux affaires passées en d'autres endroits de la Chre-  
stienté, pource qu'ils ne concernent propre-  
ment la ligue, ie me suis contenté de suy-  
ure l'intention ou le but de  
tout ce recueil.

\* \* \*

FIN DV TROISIESME TOME.











